



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-407-4/26**

Datum: **19.08.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «ŠPIC BETON» d.o.o. Zenica za donošenje rješenja o vodnoj saglasnosti za aktivnost vađenja materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica, na osnovu člana 139. stav (1) tačka 6., a u vezi sa članom 81. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

R J E Š E N J E **o vodnoj saglasnosti**

1. Pravnom licu, «ŠPIC BETON» d.o.o. Zenica, daje se vodna saglasnost za aktivnost vađenja materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica, prema tehničkoj dokumentaciji:
 - *Elaborat – vađenje materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica – LOT 3, šifra: 21-IB-EL/26, urađen od strane «IBIS» d.o.o. Zavidovići, juli 2026. godine.*a u cilju ostvarivanja prava na vađenje materijala u približnoj količini od 13.238,80 m³ na dijelu zemljišne čestice označene kao k.č. broj: 1747/1 K.O. Zenica III, grad Zenica, dodijeljenog Ugovorom broj: 30-721-46/26 od 22.06.2026. godine (broj Ugovora «ŠPIC BETON» d.o.o. Zenica: 596-06/26 od 23.06.2026. godine).
2. Vodna saglasnost se izdaje na određeno vrijeme i prestaje važiti 31.12.2026. godine, a sve u skladu sa članom 8. Ugovora broj: 30-721-46/26 zaključenog dana 22.06.2026. godine između «Agencije za vodno područje rijeke Save» Sarajevo i pravnog lica «ŠPIC BETON» d.o.o. Zenica.
3. Ova vodna saglasnost se odnosi isključivo na aktivnosti obrađene kroz Elaborat naveden u tački 1. dispozitiva Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. dispozitiva ovog Rješenja, a koja čini sastavni dio ovog Rješenja i ista se ovjerena, u skladu sa odredbama člana 114. stav (3) Zakona o vodama, od strane ove Agencije vraća podnosiocu zahtjeva na trajno čuvanje.
5. Vodna saglasnost se donosi pod sljedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica vrši u svemu prema ovjerenom Elaboratu iz tačke 1. dispozitiva ovog Rješenja, uslovima iz ove vodne saglasnosti i odredbama Ugovora broj: 30-721-46/26 zaključenog dana 22.06.2026. godine sa Agencijom.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran Izvođač radova i Nadzorni organ imenovan od strane Agencije.
 - 5.3. Ukupna količina materijala (cca 13.238,80 m³) koja je obuhvaćena ovom vodnom saglasnošću mora obavezno da se izvadi iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica, do roka propisanog Ugovorom tj. do 31.12.2026. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubinom iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.

- 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti broj: UP-1/21-1-40-132-3/26 od 20.04.2026. godine, a o datumu početka radova pismeno obavijestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
- 5.6. **Korisnik je dužan da, prilikom izvođenja radova na vađenju materijala iz vodotoka, kontinuirano prati propisanu niveletu iskopa i ne vrši iskop niti uklanjanje materijal ispod kote gornje ivice temelja postojeće armirano-betonske nožice regulisanog korita na desnoj obali rijeke Bosne. Navedena kota predstavlja najnižu dozvoljenu kotu do koje se može vršiti vađenje materijala, te je zabranjeno uklanjanje materijala ispod te kote.**
- 5.7. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa dopiranja velikih voda rijeke Bosne.
- 5.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Bosne, a u skladu sa važećim propisima o postupanju sa otpadom.
- 5.9. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala na obrascu građevinskog dnevnika, a u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju («Službene novine Federacije BiH», broj 99/14).
- 5.10. Namjeravano vađenje materijala treba da se vrši u skladu sa dokumentom «Saglasnost za vađenje riječnog materijala iz vodotoka rijeke Bosne (rejon Kamberovića polje – desna obala rijeke Bosne, uzvodno od željezničkog mosta)» broj: 18-07/26 od 24.07.2026. godine od Udruženja građana sportskih ribolovaca „BISTRO“ Zenica.
- 5.11. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kote i geometrije korita na terenu prilikom izvođenja radova u odnosu na podatke date u Elaboratu, kao i količina koje se u toku dana izvade.
- 5.12. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Bosne a nakon završetka radova iste je potrebno ukloniti i korito, obale i okolni teren dovesti u prvobitno stanje. **Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju lociranu izvan inundacionog pojasa rijeke Bosne (plavnog područja).**
- 5.13. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl), a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Bosne.
- 5.14. U toku izvođenja radova na vađenju materijala Izvođač radova je dužan održavati u ispravnom stanju pristupnu saobraćajnicu i nakon završetka radova obavezan je da teren i pristupnu saobraćajnicu dovede u prvobitno stanje.
- 5.15. Po završetku vađenja materijala, isteka vodne saglasnosti ili raskida Ugovora, a najkasnije 7 (sedam) dana po okončanju radova korisnik vodne saglasnosti je dužan uraditi kontrolni Elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdatom vodnom saglasnošću, a dokumentaciju o izvršenom kontrolnom snimanju sa bilansom masa dostaviti Agenciji kao ugovornom organu u pisanom obliku i elektronskoj formi.
- 5.16. Vađenje materijala vršiti isključivo prema snimljenom uzdužnom profilu i poprečnim profilima, počevši od nizvodnog profila i gurajući materijal u trakama odgovarajućom mehanizacijom (buldozer ili bager-rovokopač).
- 5.17. Transport i manipulacija se vrši samo sa prethodno ocijeđenim materijalom zbog mogućnosti prljanja kolovoznih površina na koju se navedeni lokalitet priključuje.

6. Korisnik ove vodne saglasnosti dužan je dostaviti Agenciji mjesečni izvještaj – popunjen i ovjeren obrazac «IMV» o izvađenim količinama materijala iz korita rijeke Bosne, a plaćanje posebne vodne naknade u iznosu od 2,62 KM/m³ za izvađene količine materijala izvršiti na način definisan članom 4. Ugovora broj: 30-721-46/26 zaključenog dana 22.06.2026. godine sa Agencijom.
7. Osnovica za plaćanje naknade za izvađeni materijal iz vodotoka je 1 m³ izvađenog materijala iz vodotoka, bez obzira na kvalitet materijala.
8. Materijal izvađen po osnovu ove vodne saglasnosti, Ugovora zaključenog između Agencije i «ŠPIC BETON» d.o.o. Zenica, za koji je od strane izvođača radova izvršeno plaćanje naknade iz člana 4. navedenog Ugovora, postaje vlasništvo izvođača radova.
9. Ukoliko se prije početka kao i u toku provođenja aktivnosti na vađenju materijala na predmetnom lokalitetu Kamberovića polje, uzvodno od pješačkog mosta (desna obala), grad Zenica, utvrdi da nije moguće realizovati planirane aktivnosti zbog pristupne saobraćajnice do lokaliteta vađenja materijala, Izvođač radova je dužan riješiti imovinsko-pravne odnose sa vlasnicima i posjednicima zemljišta na zemljišnim česticama u roku koji mu propiše Agencija ili u suprotnom gubi pravo na vađenje materijala dodijeljeno ovim vodnim aktom.
10. Ova vodna saglasnost, ovjereni Elaborat iz tačke 1. Rješenja i Ugovor o vađenju materijala zaključen sa Agencijom, moraju se nalaziti na mjestu izvođenja radova a za što je odgovorno ovlašteno lice Izvođača radova.
11. Ukoliko se, kao posljedica radova, ošteti korito i obale rijeke Bosne u zoni izvođenja radova ili nanese štete trećim licima, sva oštećenja se moraju sanirati i štete nadoknaditi o vlastitom trošku Izvođača radova.
12. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti za sprečavanje širenja onečišćenja i na otklanjanju uzroka onečišćenja.
13. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
14. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

O b r a z l o ž e n j e

Pravno lice, «ŠPIC BETON» d.o.o. Zenica se, dana 06.08.2026. godine, pismenim zahtjevom obratilo ovoj Agenciji tražeći izdavanje vodne saglasnosti za aktivnost vađenja materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica, prema dokumentaciji: *Elaborat – vađenje materijala iz vodotoka Bosne na lokalitetu Kamberovića polje*, uzvodno od pješačkog mosta (desna obala), grad Zenica – LOT 3, šifra: 21-IB-EL/26, urađen od strane «IBIS» d.o.o. Zavidovići, juli 2026. godine, a u cilju ostvarivanja prava na vađenje materijala na dijelu zemljišne čestice označene kao k.č. broj: 1747/1 K.O. Zenica III, grad Zenica, dodijeljenog Ugovorom broj: 30-721-46/26 od 22.06.2026. godine.

Uz zahtjev nije dostavljena dokumentacija tražena tačkama 3.1 i 5. Rješenja o prethodnoj vodnoj saglasnosti broj: UP-1/21-1-40-132-3/26 od 20.04.2026. godine te je dopisom broj: UP-1/21-2-40-407-2/26 od 07.08.2026. godine, zatražena dopuna dokumentacije neophodne za vođenje upravnog postupka od strane ove Agencije. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-26-002713 izdatog dana 20.07.2026. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 17.07.2013. godine od strane Porezne uprave Federacije BiH - Kantonalni porezni ured Zenica,

- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6370-2/13 od 03.09.2013. godine izdatog od Uprave za indirektno-neizravno oporezivanje Banja Luka,
- Kopija Rješenja o prethodnoj vodnoj saglasnosti broj: UP-1/21-1-40-132-3/26 izdatog dana 20.04.2026. godine od strane «Agencije za vodno područje rijeke Save» Sarajevo,
- Kopija Ugovora broj: 30-721-46/26 o vađenju materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica – LOT 3, zaključenog dana 22.06.2026. godine između «Agencije za vodno područje rijeke Save» Sarajevo i pravnog lica «ŠPIC BETON» d.o.o. Zenica (broj Ugovora «ŠPIC BETON» d.o.o. Zenica: 596-06/26 od 23.06.2026. godine),
- Elaborat – vađenje materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica – LOT 3, šifra: 21-IB-EL/26, urađen od strane «IBIS» d.o.o. Zavidovići, juli 2026. godine (na uvid i ovjeru),
- Kopija Rješenja o odobrenju za kretanje vozila u užem gradskom području broj: 17-19-2696/26 AN.K. od 12.08.2026. godine izdatog od Službe za komunalne djelatnosti Grada Zenica,
- Kopija Saglasnosti za vađenje riječnog materijala iz vodotoka rijeke Bosne (rejon Kamberovića polje – desna obala rijeke Bosne, uzvodno od željezničkog mosta) broj: 18-07/26 izdata dana 24.07.2026. godine od Udruženja građana sportskih ribolovaca „BISTRO“ Zenica,
- Kopija Izvatka iz katastarskih podataka za lokaciju na koju će se odlagati izvađeni materijal,
- Dokaz o uplaćenju upravnoj taksi.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj: UP-1/21-1-40-132-3/26 izdatog dana 20.04.2026. godine od strane «Agencije za vodno područje rijeke Save» Sarajevo.

U narednom tekstu su pobrojane tačke u kojima su propisani uslovi u navedenom Rješenju o PVS i konstatacije vezane za ispunjenje istih:

Tačka 3.1.: Za potrebe izrade ovog Elaborata urađeno je:

- Geodetski snimak aktuelnog stanja na predmetnoj lokaciji sa prikazom i rasporedom materijala koji se uklanja sa elementima iskolčenja profila;
- Grafički prilozi sa poprečnim profilima od P1 do P9 u mjerilu MJ 1:100/100 urađenim na prosječnom rastojanju od 52 m, uzdužnim profilom MJ 1:1000/100 i situacijom MJ 1:1000;
- Radovi bi se vršili korištenjem standardne mehanizacije i na uobičajen način tako što bi se u trakama uklanjao materijal iz korita vodotoka od nizvodnog ka uzvodnom dijelu sprudišta;
- Dinamički plan realizacije aktivnosti proizilazi iz člana 8. Ugovora, tj. krajnji rok do 31.12.2026. godine;
- Prezentiran je tabelarni proračun količina materijala koji se treba izvaditi iz korita rijeke Bosne na predmetnoj lokaciji.

Tačka 3.2.: Priložena je Saglasnost za vađenje riječnog materijala iz vodotoka rijeke Bosne (rejon Kamberovića polje – desna obala rijeke Bosne, uzvodno od željezničkog mosta) broj: 18-07/26 izdata dana 24.07.2026. godine od Udruženja građana sportskih ribolovaca „BISTRO“ Zenica.

Tačka 3.3.: Pristupni put do lokacije vađenja materijala omogućen je sa parcele označene kao k.č. 360/1 K.O. Zenica III, grad Zenica koja je direktno povezana sa lokalnom gradskom saobraćajnicom (Ulica Aleja Šehida). Za potrebe izvođenja radova predviđen je manipulativni plato gdje će se obavljati ocjeđivanje i utovar riječnog materijala u transportna vozila. Za kretanje vozila u užem gradskom području do lokacije deponovanja materijala je ishodovano odobrenje Službe za komunalne djelatnosti Grada Zenica. Kretanje vozila vršit će se sljedećom rutom kretanja: Korito rijeke Bosne (Kamberovića polje) – ulica Aleja Šehida – ulica Školska – Glavna gradska magistrala – Poslovna zona Zenica 1. Konačno deponovanje izvađenog materijala će se vršiti na zemljištu u vlasništvu Investitora, označenom kao k.č. 290/449 K.O. Zenica I, grad Zenica (Poslovna zona Zenica 1).

Tačka 4.: Podnosilac zahtjeva je za potrebe izrade projektne dokumentacije angažovao projektну kuću «IBIS» d.o.o. Zavidovići, koja posjeduje ovlaštenje za izradu projektne dokumentacije broj: UP-I-07-21/2-5847/24 od 27.12.2024. godine, prema Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08 i 38/12).

Tačka 5.: Podnosilac zahtjeva je priložio svu potrebnu dokumentaciju navedenu pod ovom tačkom Rješenja o prethodnoj vodnoj saglasnosti.

Na osnovu utvrđenog činjeničnog stanja i dostavljene dokumentacije, ovim aktom su, tačkama 4. i 5. dispozitiva Rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15), propisani uslovi koje je potrebno ispuniti u toku provođenja planiranih aktivnosti.

NAPOMENA: Aktivnost vađenja materijala iz vodotoka je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi se u cilju formiranja šljunkara i eksploatacionih polja za iskop pijeska i šljunka.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta

Sanja Miličić, građ.ing.

- Prilog: Ovjeren *Elaborat – vađenje materijala iz vodotoka Bosne na lokalitetu Kamberovića polje, uzvodno od pješačkog mosta (desna obala), grad Zenica – LOT 3, šifra: 21-IB-EL/26, urađen od strane «IBIS» d.o.o. Zavidovići, juli 2026. godine*

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.



Dostaviti:

- «ŠPIC BETON» d.o.o. Zenica
Pehare 72, 72000 Zenica (prilog)
- Ⓢ AVP Sava, ISV-vodna knjiga
- Sektor 50
- Sektor 40
- Sektor 30
- Oglasna ploča – AVP Sava